

KJP Centar „Skenderija“ d.o.o.

Nadzorni odbor

Datum: 6603/21

Broj: 18. 12. 2025

Na osnovu člana 41. Statuta KJP Centar „Skenderija“ d.o.o. Sarajevo, Nadzorni odbor, na 2. sjednici, održanoj dana 17.12.2025. godine, na prijedlog Direktora, donosi sljedeću:

ODLUKU

I

Usvaja se Pravilnik o kućnom redu za korištenje klizališta u sklopu „Zimske čarolije 2025/2026“, u organizaciji KJP Centar „Skenderija“ d.o.o Sarajevo, koja se održava u periodu decembar 2025.- 18.02.2026. godine.

Pravilnik o kućnom redu za korištenje klizališta u sklopu „Zimske čarolije 2025/2026“, je sastavni dio ove Odluke.

II

Odluka stupa na snagu danom donošenja.

Dostavljeno:

1. Predsjednik NO
2. Direktor
- ③ 3. Sektori x 6
4. Odjel za internu reviziju
5. a/a

Predsjednik NO

Irma Šejtanić

Na osnovu člana 58. tačka o), člana 41. tačka f), a u vezi sa članom 107. Statuta KJP Centar „Skenderija“ d.o.o Sarajevo br. 7097/22 od 23.12.2022.godine i 5805/24 od 11.11.2024.godine, Nadzorni odbor na 2.(drugoj) sjednici održanoj dana 17.12.2025.godine, a na prijedlog Direktora Preduzeća donosi:

PRAVILNIK O KUĆNOM REDU
za korištenje klizališta u sklopu „Zimske čarolije 2025/2026“
u organizaciji KJP Centar „Skenderija“ d.o.o Sarajevo

Član 1.

(Opšte odredbe)

- (1) Ovim Pravilnikom se definišu pravila ponašanja, tehnički uslovi i sigurnosne mjere za sve korisnike klizališta, u sklopu „Zimske čarolije 2025/2026“, koja je u organizaciji KJP Centar „Skenderija“ d.o.o Sarajevo u periodu decembar 2025.godine - 18.02.2026.godine.
- (2) Pravilnik se odnosi na sve korisnike, posjetioce i tehničko osoblje.
- (3) Lica iz stava (2) ovog člana dužna su da se pridržavaju odredbi ovog Pravilnika, kao i važećih zakonskih propisa.

Član 2.

(Radno vrijeme klizališta)

Radno vrijeme klizališta je od 10:00- 23:00 sati, te će u skladu sa tim biti organizovani i termini.

Član 3.

(Ulaz, pravila ulaska i kretanja)

- (1) Pravo korištenja klizališta, imaju sva lica, sa posebnom napomenom da djeca mlađa od 10 godina, moraju biti pod stalnim nadzorom odrasle osobe.
- (2) Cijena ulaznice je 4,00 KM, po terminu, termin traje 60 minuta, a iznajmljivanje klizaljki je 3,00 KM.
- (3) Zabranjeno je zadržavanje kod ulaza na klizalište i ometanje prolaza drugim korisnicima.
- (4) Zabranjeno je naglo zaustavljanje, kočenje, „slajdanje“, izvođenje rizičnih figura i trikova, osim u terminima predviđenim za trening.
- (5) Zabranjeno je sjedenje, ležanje i nepotrebno zadržavanje na ledu.
- (6) Ukoliko padnete, odmah skupite prste šake, ustanite što brže i pomjerite se sa putanje drugih klizača.

Član 4.

(Obavezna oprema i obuča)

- (1) Ulazak na led dozvoljen je isključivo u klizalkama.
- (2) Klizaljke moraju biti pravilno zakopčane; osoblje može provjeriti ispravnost kopčanja.
- (3) Klizaljke su izrazito oštre – zabranjeno je njihovo podizanje sa leda, kao i oslanjanje klizaljki na ogradu.
- (4) Zabranjeno je podešavanje klizaljki na ledu; to činite isključivo prije ulaska na klizalište.
- (5) Preporučuje se korištenje zaštitne opreme za djecu (kaciga, štitnici, rukavice).

Član 5.

(Zabranjene radnje na klizalištu i u dvorani „Mirza Delibašić“)

Na klizalištu i u dvorani „Mirza Delibašić“ zabranjeno je:

- a) pušenje duhanskih proizvoda i konzumiranje alkoholnih pića,
- b) guranje, vozić i svi oblici igara koje ugrožavaju druge korisnike,
- c) dodavanje, bacanje i nošenje predmeta na ledu,
- d) unošenje pića, hrane i grickalica na led,
- e) pušenje, korištenje mobitela i sjedenje na ogradi klizališta,
- f) nošenje ruksaka, torbi i sličnih predmeta na ledu.

Član 6.

(Iznajmljivanje i povrat opreme)

Iznajmljene klizaljke moraju se vratiti u ispravnom stanju odmah po završetku termina.

Član 7.

(Održavanje leda)

- (1) Tokom čišćenja i obrade leda, svi korisnici moraju odmah napustiti klizalište.
- (2) Povratak na led moguć je tek nakon što osoblje da odobrenje.

Član 8.

(Lične stvari i odgovornost)

- (1) Uprava KJP Centar „Skenderija“ ne odgovara za lične stvari koje se izgube ili oštete na klizalištu ili u prostoru prije ulaza u klizalište (caffe bar).
- (2) Klizanje je aktivnost na vlastitu odgovornost; korisnici prihvataju rizik koji uključuje moguće padove i povrede.

Član 9.

(Postupanje osoblja i redara)

- (1) Osoblje, zaštitari i redari imaju pravo upozoriti, opomenuti ili udaljiti svakog korisnika koji se ne pridržava Kućnog reda.
- (2) Upute osoblja potrebno je poštovati u svakom trenutku, posebno pri ulasku, izlasku i tokom smjene termina.

Član 10.

(Sigurnost i red)

- (1) Svi učesnici klizališta, su dužni poštovati pravila zaštite od požara i sigurnosti.
- (2) Zabranjen je unos alkohola i konzumacija psihoaktivnih supstanci.

Član 11.

(Završne odredbe)

Izmjene i dopune ovog Pravilnika predlaže Uprava, a odobrava Nadzorni odbor.

Član 12.

(Stupanje na snagu)

Ovaj Pravilnik stupa na snagu danom donošenja.

Predsjednik Nadzornog odbora

Šejtanić Irma

Direktor

Dr. Senaj Avdić

Broj:

6603 / 25

Datum

18.12.25